

Ўзбекистон касаб  
ушмалари Федера-  
цияси ташаббуси би-  
лан Қорақалпоғис-  
тон Республикасидаги  
маҳалла фуқаролар  
йиғинларидан 120  
нафар хотин-қизлар  
фаолининг Тошкент  
шаҳри ва Тошкент  
вилоятига саёҳати  
уюштирилди.



Ташаббус

## Фаоллар меҳнати мудом эътиборда

Тошкент Жанубий вокзалида кутиб олинган саёҳатчилар пойтахтимиздаги диққатга сазовор жойлар, хусусан, «Ғалаба боғи» ёдгорлик мажмуаси, «Magic City» кўнгилочар боғи, «Tashkent City» ҳамда «Янги Ўзбекистон» боғи билан танишишди.

Шундан сўнг улар Бўстонлик туманидаги замонавий дам олиш масканига йўл олишди. Меҳмонлар бу масканда бир неча кун давомида саломатликларини тиклаб, мазмунли дам олиш имконига эга бўлишди.

Тадбирлар давомида улар кам таъминланган, эҳтиёжманд хотин-қизларни ижтимоий қўллаб-қувватлаш, жумладан, «Аёллар дафтари» тизимини юритиш мавзусида семинарда иштирок этиб, тажриба ва малакаларини оширадилар.

Мадина ПЎЛАТ қизи  
«ISHONCH»



Манзума

## Ишонч

Фақат дўст боради дўстнинг номидан,  
Унинг дунёсини этиб ҳимоят.  
Вақти етса кечар ҳатто жонидан,  
Нияти – яхшилик, йўли – ҳидоят.

Садоқат миллион йил кўрмагандир дарз,  
Оқибат яшайди сақламай сукут.  
Бу ахир виждоннинг бўйнидаги қарз,  
Эртаги умидлар бўлмағай унут.

Ғаму қувончларни ортмоқлаб онлар,  
Қармоғини ташлаб ўтади овлаб.  
Бор қанча дили пок, қанча гумроҳлар,  
Кимдир қўллаб юрар, ким бўйин товлаб.

Андуху надомат ғариб, нотавон,  
Инсон тақдирига солаверар чанг.  
Курашмоқ азалдан борлиги аён,  
Бу ҳаёт бор экан, тугамайди жанг.

Дунё чайқалади оғир ва вазмин,  
Оловлар ўрлайди қайси бурчида.  
Фарёду нолалар излайди таскин,  
Оналар йиғлайди қайғу ичида...

Гоҳ раҳм қўллари чўзилар четдан,  
Мадади ақалли урвоқча эмас.  
Эгаси бўлмаган ҳар қандай юртдан,  
Беғубор гулларнинг ифори келмас.

Ҳар кун не кечар бу олам аро,  
Барига гувоҳдир бу кўҳна очун.  
Сўйласа тугамас тонгача ҳатто,  
Ғам-алам адоқсиз, ҳасрати узун...

Эҳтимол, улар ҳам орзу-ла яшар,  
Эҳтимол, ўртайди дилини армон.  
Хотиржам кунларни балки ўйлашар,  
Йўл излаб овора бўлар тўрт томон...

Жонажон Ватаним, бахтим, толем,  
Киндик қоним томган муқаддас туپроқ.  
Музаффар тонгларинг – ёруғ иқболим,  
Бошимда истиқлол кўтарган байроқ.

Бепоен кенгликлар уфққа туташ,  
Сарҳадсиз боғлари гуллаган чаман.  
Кўксимда ғурурдан ловулар оташ,  
Фарзанд эканимдан яйраб кетаман.

Кун бўйи қуёш ҳам меҳр тўшайди,  
Кечалар чиқолмас хуморидан ой.  
Бобом орзулаган йўлга ўхшайди –  
Жаннатий гўзаллик таратган чирой.



Ўткир РАҲМАТ

Осмонга зеб бериб чорлайди гўё,  
Сочилган мунчоқдек ситоралари.  
Ўзгача ҳайратда боқади дунё,  
Ром этиб тартганда миноралари.

Шаҳару қишлоқлар файз-таровати,  
Дилларга баҳи этар шодлик бир жаҳон.  
Истиқлол ва эркинлик бу шарофати,  
Водийлар кезсангиз бўлар намоён.

Бунёдкор элимнинг куч-қудрати бу,  
Қўйилган ҳар бир ғишт мустаҳкам, пойдор.  
Заҳматли меҳнатнинг шон-шухрати бу,  
Келбати шундайин буюк, улғвор.

Осон бўлмади-ку бу кунга етмоқ,  
Не-не бўрон, довул эсиб улгурди.  
Қора булутлари шиддатли чақмоқ,  
Бошимиз устида айлиниб юрди.

Ният холис эди,  
Манзил – Ўзликдир,  
Ўйғонган юраклар денгиздек қалқди.  
Мардона элимиз бишта сўзликдир,  
Дунёга бошқача кўз билан боқди...

Шундай кунлар келди гўзал, нурафшон,  
Тинди ноласи ҳам ўқинчинг, зорнинг.  
Шитоб этмоғида бу улғу қарвон,  
Хизмати мислсиз ҳар фидокорнинг.

Кўнглимиз, руҳимиз, шууримизни,  
Торттирмас агар бу қисмат мулзам,  
Ҳеч ким сўндиролмас қалб кўримишни,  
Йўлимиздан дадил борамиз биз ҳам.

Бунда дуолар ҳам бебаҳо маъдан,  
Бунда ниятлар ҳам эзгуликка ёр.  
Токи ҳар нафасга жодир бу Ватан,  
Токи ёнимизда суяувчи бор.

Биз унга ҳамиша бўлсак мададкор,  
Қўлласак дўст каби содиқ ва оқил.  
Мудроқ босмас асло, ҳамиша бедор –  
Халқнинг ўзи унга ишончли вақил!

## Офарин, Умида!

Шу йил 6-8 июнь кунлари Грузиянинг Батуми шаҳрида 18 ёшгача бўлган қизлар ўртасида шахмат бўйича жаҳон чемпионати бўлиб ўтди.

Ушбу нуфузли мусобақада юртимиз шарафини ҳимоя қилган Умида Омонова рапид йўналишида 10 имкониятдан 9 очко жамғариб, жаҳон чемпиони бўлди.

Биз дунё ҳавас қиладиган даражадаги юксак натижа билан чемпион қизни, унинг яқинлари ва мураббийларини чин юракдан қутлаймиз!

Раҳмат сенга, Умида!



### Бугунги сонда:



Янги Ўзбекистон бўйлаб саёҳат қил!

## «Юртимиз бунчалар гўзал!»

Саёҳатчилар кўнглидан кечган ушбу туйғуллар сабаби Тошкент вилоятининг Бўстонлик туманидаги манзаралар эди.



Сирдарё вилояти Мактабгача ва мактаб таълими бошқармаси тасарруфидagi «Нурли маскан» мактаб-интернатининг 50 нафар ходими айнан ушбу гўшадаги дам олиш масканларида ҳордиқ чиқаришди.

Касаба уюшма қўмитаси уларга ана шундай имкониятни яратиб

берди. Улар мусаффо тоғ ҳавосидан тўйиб-тўйиб симирдилар, тоғ чўққиларидаги шаффоф қорлардан, Чорвоқ сув омборининг мовийлигидан завқландилар, тоғ шаршарасидан роҳатландилар. Саратоннинг жазирамасида ҳовуларда чўмилиш ҳам танини яратди. Яратилган шарт-шароит-

лардан барча-барчанинг кўнгли равшан тортди. Ўлкамизнинг мўъжизавий табиатидан ҳайратланган дам олувчилар унутилмас таассуротлар билан қайтдилар.

Фарҳод ТАШТАНОВ,  
Таълим ва фан ходимлари касаба уюшмаси Гулистон шаҳар кенгаши раиси





